

## I. DISPOSICIÓNS XERAIS

### CONSELLERÍA DE PRESIDENCIA, ADMINISTRACIÓNS PÚBLICAS E XUSTIZA

*Decreto 156/2008, do 10 de xullo, sobre asunción dos medios persoais adscritos ao Hospital Básico da Defensa en Ferrol (A Coruña) tras pasados á Comunidade Autónoma de Galicia mediante Real decreto 1081/2008, do 30 de xuño, e a súa adscrición ao Servizo Galego de Saúde.*

A Constitución, no seu artigo 149.1.16ª, reserva para o Estado a competencia exclusiva en materia de sanidade exterior, bases e coordinación xeral da sanidade.

Pola súa parte, o Estatuto de autonomía de Galicia establece no seu artigo 33.1º que lle corresponde á comunidade autónoma o desenvolvemento lexislativo e a execución da lexislación básica do Estado en materia de sanidade interior. Así mesmo, o artigo 33.4º dispón que a comunidade autónoma poderá organizar e administrar para tales fins e dentro do seu territorio todos os servizos relacionados coas materias antes expresadas, e exercerá a tutela das institucións, entidades e fundacións en materia de sanidade e seguranza social, reservando o Estado para si a alta inspección conducente ao cumprimento das funcións e competencias contidas neste artigo.

A través do convenio de colaboración entre o Ministerio de Defensa e a Xunta de Galicia para a execución do protocolo subscrito para regular o uso compartido civil e militar do Hospital Básico da Defensa en Ferrol, asinado polo presidente da Xunta de Galicia e o ministro de Defensa con data 10 de xullo de 2007, establécese que mediante real decreto será efectuado o traspaso á Xunta de Galicia do persoal civil do citado hospital.

Mediante Real decreto 1081/2008, do 30 de xuño, traspásanse á Comunidade Autónoma de Galicia os medios persoais adscritos ao Hospital Básico da Defensa en Ferrol.

Procede, en virtude do citado traspaso de medios, asumilos de forma expresa, nos termos e condicións especificados no acordo da Comisión Mixta de Transferencias Administración do Estado-Comunidade Autónoma de Galicia na súa reunión do 23 de xuño de 2008 sobre traspaso á Comunidade Autónoma de Galicia dos medios persoais adscritos ao Hospital Básico da Defensa en Ferrol.

Na súa virtude, por proposta do conselleiro de Presidencia, Administracións Públicas e Xustiza e logo de deliberación do Consello da Xunta de Galicia na súa reunión do día dez de xullo de dous mil oito,

#### DISPOÑO:

Artigo 1º.-Asunción do traspaso.

Quedan asumidos os medios persoais tras pasados pola Administración do Estado á Comunidade Autó-

noma de Galicia en virtude do Real decreto 1081/2008, do 30 de xuño, sobre traspaso á comunidade autónoma dos medios persoais adscritos ao Hospital Básico da Defensa en Ferrol (A Coruña), nos termos e condicións especificados no acordo da Comisión Mixta de Transferencias Administración do Estado-Comunidade Autónoma de Galicia na súa reunión do 23 de xuño de 2008, publicado como anexo ao Real decreto 1081/2008.

Artigo 2º.-Adscrición dos medios persoais tras pasados.

1. Adscribíense ao Servizo Galego de Saúde os medios asumidos a que fai referencia o artigo anterior.

2. A Consellería de Sanidade e o Servizo Galego de Saúde exercerán, no marco das súas respectivas competencias, as funcións que viña desempeñando o Ministerio de Defensa, sen prexuízo das competencias que correspondan a outras consellerías de acordo coas disposicións vixentes.

Artigo 3º.-Efectividade do traspaso.

A asunción dos medios obxecto deste decreto terá efectividade a partir do 1 de xullo de 2008, de acordo co disposto no Real decreto 1081/2008.

#### *Disposicións derradeiras*

Primeira.-Facúltase a conselleira de Sanidade para ditar cantas disposicións sexan necesarias para o desenvolvemento deste decreto e para adoptar as medidas precisas para a plena efectividade e executividade práctica dos medios tras pasados.

Segunda.-Este decreto entrará en vigor o mesmo día da súa publicación no *Diario Oficial de Galicia*.

Santiago de Compostela, dez de xullo de dous mil oito.

Emilio Pérez Touriño  
Presidente

José Luis Méndez Romeu  
Conselleiro de Presidencia, Administracións  
Públicas e Xustiza

*Decreto 157/2008, do 10 de xullo, sobre a asunción de funcións da Administración do Estado tras pasadas á Comunidade Autónoma de Galicia mediante Real decreto 1080/2008, do 30 de xuño, en materia de declaración de utilidade pública de asociacións e aplicación dos beneficios fiscais, e sobre a súa asignación á Consellería de Presidencia, Administracións Públicas e Xustiza.*

Mediante Real decreto 1080/2008, do 30 de xuño, traspásanse á Comunidade Autónoma de Galicia as funcións da Administración do Estado en materia de

declaración de utilidade pública de asociacións e a aplicación dos beneficios fiscais a estas.

Procede, en virtude do citado traspaso, asumir de forma expresa as devanditas funcións, nos termos e condicións especificados no acordo da Comisión Mixta de Transferencias Administración do Estado-Comunidade Autónoma de Galicia, adoptado polo Pleno na súa reunión do 23 de xuño de 2008, e a súa asignación á Consellería de Presidencia, Administracións Públicas e Xustiza.

Na súa virtude, por proposta do conselleiro de Presidencia, Administracións Públicas e Xustiza, e logo de deliberación do Consello da Xunta de Galicia na súa reunión do día dez de xullo de dous mil oito

### DISPOÑO:

#### Artigo 1º.-Asunción do traspaso.

Quedan asumidas as funcións traspasadas pola Administración do Estado á Comunidade Autónoma de Galicia en virtude do Real decreto 1080/2008, do 30 de xuño, sobre ampliación de funcións da Administración do Estado traspasadas á Comunidade Autónoma de Galicia, en materia de asociacións: declaración de utilidade pública de asociacións e aplicación dos beneficios fiscais, nos termos e condicións especificados no acordo da Comisión Mixta de Transferencias do 23 de xuño de 2008, publicado como anexo ao Real decreto 1080/2008, do 30 de xuño.

#### Artigo 2º.-Asignación de funcións.

1. De acordo co establecido no Decreto 37/2007, do 15 de marzo, polo que se establece a estrutura orgánica da Consellería de Presidencia, Administracións Públicas e Xustiza, asígnanselle á citada consellería as funcións asumidas.

2. Serán competentes para tramitar a solicitude e instruír o procedemento de declaración de utilidade pública os seguintes órganos:

-A Secretaría Xeral da Consellería de Presidencia, Administracións Públicas e Xustiza respecto das asociacións inscritas no Rexistro Central de Asociacións por ter ámbito autonómico.

-As delegacións provinciais da Consellería de Presidencia, Administracións Públicas e Xustiza respecto das asociacións que desenvolvan as súas actividades e establecesen o seu domicilio dentro do territorio provincial respectivo e estean inscritas no correspondente rexistro provincial de asociacións.

-Os organismos públicos encargados dos rexistros de asociacións especiais, respecto das asociacións reguladas por leis especiais, estatais ou autonómicas, e inscritas nos citados rexistros.

3. Será competente para resolver o procedemento de declaración de utilidade pública a persoa titular da Consellería de Presidencia, Administracións Públicas e Xustiza, logo de instrución do procedemento por algún dos órganos a que se refire o número anterior.

#### Artigo 3º.-Efectividade do traspaso.

A asunción de funcións obxecto deste decreto ten efectividade a partir do día 1 de xullo de 2008, de acordo co disposto no Real decreto 1080/2008, do 30 de xuño.

#### Disposicións derradeiras.

Primeira.-Facúltase a persoa titular da Consellería de Presidencia, Administracións Públicas e Xustiza para ditar cantas disposicións sexan necesarias para o desenvolvemento deste decreto e para adoptar as medidas precisas para a plena efectividade e executividade práctica das funcións traspasadas.

Segunda.-Este decreto entrará en vigor o mesmo día da súa publicación no DOG.

Santiago de Compostela, dez de xullo de dous mil oito.

Emilio Pérez Touriño  
Presidente

José Luis Méndez Romeu  
Conselleiro de Presidencia, Administracións  
Públicas e Xustiza

*Decreto 158/2008, do 10 de xullo, sobre asunción da ampliación das funcións e servizos en materia de conservación da natureza (Parque Nacional Marítimo-Terrestre das Illas Atlánticas de Galicia), traspasados á Comunidade Autónoma de Galicia mediante o Real decreto 1082/2008, do 30 de xuño, e a súa asignación á Consellería de Medio Ambiente e Desenvolvemento Sostible.*

A través dos reais decretos 167/1981, do 9 de xaneiro, 1234/1983, do 20 de abril, e 1535/1984, do 20 de xuño, foron traspasados á Comunidade Autónoma de Galicia funcións e servizos da Administración xeral do Estado en materia de conservación da natureza.

A través do Real decreto 1082/2008, do 30 de xuño, amplíanse as funcións e servizos en materia de conservación da natureza (Parque Nacional Marítimo-Terrestre das Illas Atlánticas de Galicia), traspasados